

解州全志卷之一 芮城縣



沿革

芮城縣本古芮國

路史芮伯爵今陝之芮城西二十里有芮故城九域志有芮君祠商

代國西伯初虞芮訟今平陸西六十里閒原者所爭田也

周康王時有芮伯厲王時有芮良夫作桑柔之詩春

秋時芮伯萬之母芮姜惡芮伯之多寵人也故逐

之出居於魏四年秋秦師侵芮敗焉冬王師秦師

圍魏執芮伯以歸

括地志魏故國在芮城縣北五里今遺址尙存

惠王十六年晉獻公滅魏以其地賜大夫畢萬太平

寰宇記芮城北五里有魏城卽萬所封周八里戰國屬魏

解州全志

卷之一

芮城縣 沿革

一

秦屬河東郡

漢爲河北縣屬河東郡

晉因之仍屬河東郡統於司州

後秦爲河北郡又立安戎縣屬焉

北魏爲河北縣移河北郡於大陽縣仍屬焉按北魏以前河

北縣今古魏城也

後周明帝二年始立芮城縣於今縣治屬永樂郡始取

古芮國立名也永樂在縣西四十里今屬蒲州武成二年改長樂縣保定

二年併入永樂郡

隋爲芮城縣開皇十五年省永樂郡縣屬蒲州

唐武德二年置芮州以芮城河北永樂縣爲屬正觀

二年罷州以永樂隸鼎州今閩鄉芮城河北屬陝州

按隋唐河北在今平陸縣

宋屬陝州仍名芮城縣

金屬解州

元屬晉寧路河中府解州至元三年合平陸爲一縣

元正元年復立縣屬解州

明仍爲縣屬平陽府解州

國朝因之雍正二年改解州爲直隸州縣專屬焉定爲

專難簡缺

解州全志

卷之一

芮城縣沿革

二

疆域

芮城縣境

在州西南八十里

東西廣七十里南北袤五十里

東至平陸縣界儀家溝五十里平陸縣治一百里

西至蒲州府永濟縣界陳家村二十里風陵渡八十

里

南至河南省閩鄉縣界黃河岸二十里閩鄉縣治三十里

北至虞鄉縣界中條山橫嶺三十里虞鄉縣治六十

解州全志

卷之一

芮城縣 疆域

三

里又少西至臨晉縣治一百三十里

東南至河南省靈寶縣界黃河岸三十五里陌底渡

界四十里靈寶縣治五十里

西南至蒲州府永濟界杜村三十里至陝西同州府

華陰縣界潼關九十里

東北至解州界中條山頂六十里解州治八十里

西北至永濟縣界西孫村三十五里永濟縣治一百

二十里

自縣至山西省城太原府一千五十里至

京師二千六十五里

形勝

負山面河土腴地僻龍蟠橫嶺鳳起晴川西北勢高而危竦東南地曠而平夷允稱淳朴之鄉隱逸之所前人擬爲八景曰條山滴翠曰黃河翻雪曰卜館春風曰段廬夜月曰魏城夕照曰水谷秋聲曰楊林暮雨曰塔寺晨鐘

舖遞附

原額設舖遞七處

總舖 在城至東張舖十里

東張舖 至曹莊舖十里

解州全志

卷之一 芮城縣 疆域

四

曹莊舖 至董壁舖十里

董壁舖 至陌底舖十里

陌底舖 至嶺底舖十里

嶺底舖 至嶺上舖十里

嶺上舖 至解州洪昌舖十里

以上由陌底舖南十里至曲裏渡靈寶界東十里至儀家溝平陸界俱係孔道由董壁舖東南十里至窰頭村由縣南十里至太安村臨河由縣西十里至學張村又十里至陳家村永濟界由縣北三十里至條山脊虞鄉界俱係小徑

關津附

陌底渡在縣東南四十里土人名王村曲裏渡卽古涇
津渡也路通河南靈寶縣宋建都汴梁中條山北職
貢部使者按行驛路繇此故邑令邵伯溫築待濟亭
於河干以安賓旅明洪武四年設巡檢司九年徙南
七里又置批驗所後裁天啟以後福藩分封河南府
食河東池鹽歲用船二十隻爲之運載芮人苦之今
止存船二隻以濟往來并通鹽運 國朝仍明舊設
巡檢司一員稽查鹽引涇河 按涇泉源出東北山
麓卽儀家溝水土人名流搭溝水經注宏農郡城北

解州全志

卷之一

芮城縣 疆域

五

河水有涇津穆天子傳天子自賓輪乃次於涇水之
陽丁亥入於南鄭漢建安中杜畿爲河東太守河東
人衛固使兵數千人絕陝津畿至不得渡曹公遣夏
侯惇討之未至苟彧謂畿曰宜須大兵畿曰吾單車
直往出其不意遂詭道從涇津渡魏正平二年八月
冠軍將軍封禮率騎二千從涇津南渡赴宏農五朝
考芮城有關官是隋以前嘗置關於涇津也

橫嶺卽直谷嶺也在縣東北六十里中條山嶺路通解
州南北孔道村落窻遠明萬歷四十年知縣趙庭琰
建關廟於嶺上招道流居之 國朝順治六年兵變

以來盜賊竊發要劫過客十八年知縣王自修請撥
蒲州營兵丁二十名防守其地於是造營房石壘關
隘屹然行人恃以無恐

解州全志卷之二

芮城縣

山川

中條山在縣北十五里西起首陽東接太行南北狹薄延袤不絕故曰中條過橫嶺而北卽解州境東南抵直岔嶺爲平陸縣境西北至清風嶺爲虞鄉縣境方山在縣西北三十里界連虞鄉縣峰巒高峻可與二華爭雄縣東西七十里胥屏倚此山也

太峰在方山東水谷之上

百二十盤在縣北中條山之陽石磴廻旋有栢盤屈石上栢石糾結龍拏虬攫真異觀也北達虞鄉至清風

解州全志

卷之二

芮城縣 山川

一

嶺又盤折而下卽唐司空圖所隱王官谷倪光薦奇石詩偶經百廿盤松石駭心目石以松爲筋松以石

爲肉石抱松如裹松穿石似束

松當作栢

甘棗山在縣東北三十五里青龍洞東二十里今名刺林溝括地志中條山亦名甘棗山山海經甘棗之山恭水出焉西流注於河

直岔嶺在縣東北六十里甘棗山東今名橫嶺

檀道嶺在直岔嶺東平芮分界處自方山至檀道嶺胥中條山之析名也

大通嶺在縣西北中條山唐時竹影殊盛內有竹林寺

水谷在縣西北二十五里

青龍洞在縣北三十里歷山東北三十里洞內有青龍泉遇旱禱雨處

石鐘洞在縣東北三十五里甘棗山西十里石室頂懸石鐘水注其下禱雨多應相傳石鐘真人修煉地嘗有蟾負芝來止石上又有野鹿入洞偕宿云石鐘洞東十五里爲清涼寺又東十里爲娥英廟又東爲閒田按由禹門口西北六里有均曰洞溝西崖有石洞水泔泔自頂滴瀝而下外有石泉一泉北里許有石洞深莫測約行三十步聞風聲怒吼輒無敢入

解州全志

卷之二

芮城縣

山川

二

洞外崖半有賢孝金鹿把門字餘漫漶不可辨識無所謂石鐘者疑是石鐘乳洞也

南坡濱黃河岸水中有砂石高三尺大如礮上平下狹河漲石獨露傳爲呂望釣臺

魚鱗積黃河至潼關折而東水勢洶湧岸多崩折葡萄澗口有石橫出洪流中高二尋長數十丈層疊比次類魚鱗沿河村落恃爲屏障

黃河在縣南二十里桑欽水經河水又東過河北縣南注河北縣故魏國也晉獻公滅魏以封畢萬卜偃曰魏大名也萬後其昌乎後乃縣之在河之北故曰河

北縣也今城南西二面並去大河可二十餘里北去首陽十里許處河山之間土地迫隘故魏風著十畝之詩也

葡萄澗在縣西二十里芮王廟後柳家洞柳蘭女故居也澗下有泉五湧沸趵突俗名五股泉乾隆二十五年崖崩壓故泉泉乃愈多經三合口會方段楊院水南入河

地皇泉在縣西北十三里山麓地皇氏廟前按通志地皇泉前流經魏城合通澤泉爲一渠誤今詳水利通澤泉在縣北八里舊泉二引水入城灌衛生池泮池

解州全志

卷之二

芮城縣 山川

三

康熙初年涸乾隆十八年泉出舊泉北始復

觀音洞在縣西北十八里銅瓦溝石洞中有水一泓將雨則水先涸旱則水常溢土人於此卜雨旱

龍泉在縣北五里古魏城中上有五龍祠水經注城內有龍泉南流出城又南斷而不流金志有中條山黃河龍泉

大安池在縣西北五里上郭村東北澗中至古魏城西北納賈公泉南流繞魏城東南十里入姚暹渠以達河

觀音泉在城西北十里下流入通澤泉

賈公泉在古魏城西北澗中

青龍泉在縣北三十里青龍洞禱雨多應

鹿跑泉在縣東北八里中莊村清澈見底一名靜深泉

上建龍神廟

輿祝泉在縣東北二十二里北山石岩下相傳魏文侯率三軍自安邑至此衆渴甚文侯默祝以鞭指示得泉故名

恭水在縣東北三十五里源出甘棗山卽今朱呂溝水也山海經薄山之首曰甘棗之山恭水出焉而西流注於河

解州全志

卷之二

芮城縣 山川

四

涇泉在縣東北三十五里源出中條山直岔嶺下瑞峰寺前下流至儀家溝俗名連搭溝東有波溝水又東卜溝水又東檀道溝水又東平陸胡村水皆會焉東南流至平陸葛趙村入河水經注曰河北縣有涇水涇津其水南入於河河水故有涇津之名穆天子傳曰天子自寘軫乃次於涇水之陽丁亥入於南鄭或謂之堰鄉澗水也

白龍泉在縣東南十里坡下王家莊雲水洞土峰幽邃北有小洞側身入行數十步豁然開放西有清泉懸流噴雪鳴聲潺湲風景淡遠遊人比之桃源云

小水泉在縣南十里坡下太安村北蓮花穴西一名黑龍潭泉東百餘步有巨泉俗名長流水相傳魏城龍泉前明時流入河頗浸田爲民患知縣錢塞之泉吼三日而此泉出南流入河

護生池董一桂記芮城之北泉壑紆曲決渠引水層折五六里入城埴爲池

萬仙泉在縣北五里嘉靖時萬蓬頭過澗西王老人恒食之蓬頭曰當以五十金報因指屋後地掘之水大湧族里以五十金買溉村田通志作萬蓬頭井

水利附

解州全志

卷之二

芮城縣 山川

五

大安池東南流至古魏城西賈公泉北入之遶古城南東流溉廟下路村田至桃園西南流三里許入姚暹渠

洪源澗在東北十里洪源溝有泉東南流溉南磴馮村田至閆家莊西入姚暹渠

通澤泉在縣北八里舊決渠引水入城灌於衛生池泮池康熙初涸乾隆十八年有泉出其北下合舊泉東南流至黨家窰觀音泉西北來入之南流逕西張西關過城南南流入姚暹渠至西關東流入城仍灌縣署衛生池達泮池出東門注泮池

龍泉溉龍泉村田

鹿跑泉溉中莊三村田

地皇泉溉地皇村田霖雨水溢下流合大安池賈公泉水入姚暹渠

葡萄澗泉在澗中南流逕鄭村漢頭七八里至石家嘴西有方段二溝水東有陽院溝水會焉遂名三合口經李家灣蔡村入河皆溉田方段無泉陽院有泉上流溉田數頃始至三合口

白龍泉溉王家莊田

小水泉溉太安村田頃餘

解州全志

卷之二

芮城縣 山川

六

恭水泉在清涼寺後老子溝南流溉朱呂溝鄭家灣桃花澗劉九村關村田數百畝至澗口入河

涇水卽廣德泉餘澗中有泉皆小至儀家溝會衆水可運磴溉磨下數村田流經平陸葛趙村溉田乃多

渠堰附

姚暹渠在閆家莊西長十餘里注渠頭溝經葡萄澗入河今廢爲道按隋姚暹渠受大安洪源通澤三水今上流引以溉田水不及渠若霖雨則亦有水患誌之以備濬洩

風俗

芮邑故魏地也詩魏風小序魏地狹隘其民機巧趨利其君儉嗇褊急傳又云魏地狹隘民俗勤嗇有聖賢遺風焉季札觀樂歎其大而婉險一本作儉而易行芮地風俗概可知矣雖僻處條崗土田平行水利沃饒民間耑務耕讀不事商賈日用儉約家有蓋藏邇來科第日多仕宦甚少文章經濟尙思體用兼備於以景仰前哲爲芮邑光可耳

物產

黑棗

卽鮮棗爲之味甘潤可噉

刺楸

槐屬也美木史記貨殖傳河濟之間千樹楸其人與萬戶侯等

白附子

獨莖發葉甚細穗極周匝形類天雄山西通志出芮城北山地黃村

解州全志

卷之二

芮城縣 物產

八

解州全志卷之三 芮城縣

城池

芮城縣城周圍三里二百六十六步高二丈池深七尺
為門四東曰通津南曰望闕西曰昇仙北曰禮賢後
周明帝二年始建歷代修築莫稽明洪武初縣丞楊
得知縣張友直各增修正統十四年知縣孟濟修正
德七年知縣張世恭重修嘉靖七年知縣張效仁增
修甃甃城門二十二年知縣周時相增敵臺浚池隍
萬歷十四年知縣李選重修增高培厚甃甃女牆薛
一鶚記四十年知縣趙庭琰創建月城王紀記天啟

解州全志 卷之三 芮城縣 城池

一

六年知縣姜士佐重修崇正十三年知縣倪光薦修
砌甃城未竟而止 國朝康熙四十六年知縣邵疇
修乾隆二十八年知縣莫溥修自為記 按芮邑城
垣向係民修東城屬三都西城屬頭都南城屬四都
北城屬二都四馬道屬三廂城樓門各都通修

村堡附

- 喬頭堡
- 陌底堡
- 朱呂堡
- 坑南堡

坊里附

三廂

坊上里

桃園村

柿園村

院頭村

蘭原村

范家莊

巷口村

上郭村

馬村

武家溝

徐家溝

董瓦溝

何家莊

坑頭村

令花村

西張村

西溝村

東廂里

華岳村

老鸛窩

閻家莊

劉家滑

黨家窩

西廂里

解州全志

卷之三

芮城縣

城池

二

溝南村

溝北村

東西尚村

趙窟奪村

東窩村

興泉莊

後龍泉村

趙家窩

南郭里

西盧村

縣南村

頭都

劉九里

伏龍村

東沙窩村

桃花村

半坡村

灣裏村

窩頭村

孫家園

溝西村

柳灣村

從政里

二郎溝

城牆村

楊家村

坑南村

坑北村

小呂村

喬家莊

西呂村

程村

喬家村

杲家溝

牛杲村

三甲坡

東關村

西關村

圪塔村

崔家村

中平村

呂家圪塔

盧裏村

五均里

朱呂村

朱呂溝

啞叭溝

解州全志

卷之三

芮城縣 城池

三

塢頭村

和村

曲裏村

陌底鎮

道東村

大壩村

馬壁村

桃花溝

朱陽村

西河村

上窰村

平王村

廟前村

廟後村

南堡村

寺前村

槐樹峪

郝家滑

韓家村

坡頭村

侯家莊

平坡村

老池溝

宜和村

張家滑

萬家莊

莊裏村

上文村

檀道村

吳家窰